

*nostrum, quoniam multus est ad ignoscendum.* Hanc A *suavitatem misericordiae sue Dominus nobis offert per eumdem prophetam, dicens : Memento horum Jacob et Israel, quoniam servus meus es tu. Formari te, servus meus es tu, Israel, non oblirisceris mei : delevi ut nubem iniquitates tuas, et quasi nebulam peccata tua : revertere ad me, quoniam redimi te.* Et iterum : *Ego sum, ego sum ipse, qui deleo iniquitates tuas propter me, et peccatorum tuorum non recordabor.*

**XXVIII.** Qui autem has dulcissimas vocationes Dei neglexerint in praesenti tempore, dum inveniri potest, et dum prope est, et venerit tempus jam non operandi, sed recipiendi unumquemque secundum opera sua, audiens amaras impropagationes : *Vocavi, et renuisti ; extendi manus meas, et non fuit B exercituum.*

A qui aspiceret. *Desperatis omne consilium meum, et increpationes meas neglexistis. Ego quoque in interitu vestro ridebo.* Tunc erit eis illa insfructuosa conversio, de qua Dominus per prophetam loquitur omnibus dicens : *Convertimini, et videbitis quid sit inter justum et impium, et inter servientem Deo et non servientem ei.* Ecce enim dies veniet succensa quasi caminus; et erunt omnes superbi, et omnes facientes impietatem, stipula : et inflammabit eos dies veniens, dicit Dominus exercituum, quæ non relinquet eis radicem et germen. Et orietur vobis timentibus nomen meum sol justitiae, et sanitas in pennis ejus, et egrediemini, et salietis sicut vituli de armento, et calcabitis impios, cum fuerit cinis sub planta pedum vestrorum in die qua ego facio, dicit Dominus exercituum.

## AGOARDI FLEBILIS EPISTOLA

### • DE DIVISIONE IMPERII FRANCORUM INTER FILIOS LUDOVICI IMPERATORIS

I. Domino glorioissimo Ludovico imperatori Agobardus servulus.

Cum unusquisque fidelis omni fidei sinceritate debeat, dubium non est quod præcipue fidei prælato, cui res publica ad gubernandum commissa est, fides servanda sit ab omnibus, qui divinae dispositioni fideliter subjecti sunt, sicut Apostolus docet : *Omnis, inquiens, anima potestatibus sublimioribus subdita sit* : quamquam circa nullum infideliter agendum sit. Propter quod et alius apostolus dicit : *Subditi estote omni humanæ creaturæ propter Deum* : et docemur orare pro omnibus hominibus, pro regibus et lis qui in sublimitate sunt, ut quietam et tranquillam vitam agamus in omni pietate. Et in alio loco dicitur : *Ideo necessitate subditi estote, non solum propter iram, sed etiam propter conscientiam.*

II. Cum autem hæc ita sint, et omnes vobis fideles esse debeant, quomodo quisquam fidelis vobis esse poterit, si videns aut intelligens vestrum periculum, non se ingerit quantum potest, ut vobis indicet et cognitum faciat, si tamen locus aut facultas penitus illi non denegatur ? Testor omnipo- D tentem Deum, qui scrutator est cordium et rerum,

BALUZII

<sup>a</sup> In codice regio nullus hoc loco titulus exstat. Itaque cum retinuimus qui a Massone inventus est. Quanquam animus erat istud quoque mutare. Sed quia titulus hic jam prævaluit, et flebilis epistolæ nomine citari consuevit hic libellus, visum est mutari non debere.

<sup>b</sup> Anno præsenti, id est, anno 833. Tunc enim Ludovicus filiorum rebellionem compescere meditatus, exercitum adversus eos collegit, infelici prorsus eventu, ut tradunt scriptores illorum temporum.

<sup>c</sup> Pater vester et avus, Carolus Magnus et Pippinus.

<sup>d</sup> Participem nominis vestri. Contigit istud anno 817, ut Eginhardus tradit. Ludovicus imperator, inquit, <sup>e</sup> generalem populi sui conventum Aquisgrani more solito habuit; in quo filium suum primogenitum Lotharium coronavit, et nominis atque imperii

quia nulla alia exstat causa, pro qua hæc scribere præsumio, nisi quia doleo, quantum dicere non possum, de periculis que vobis imminere videntur, et maxime animæ. Nam quanto excellentior substantia est anima corpore, tanto excellentior sollicitudine curam animæ gerere debemus, quam corporis; ita Domino docente in Evangelii, sicut ipsi optime nostis.

III. <sup>b</sup> Anno itaque præsenti, in attritione et commotione, agitatione et afflictione terræ et habitantium in ea quanta mala increbuerint, nemo hominem est qui enumerare possit, nulla exigente causa, nulla compellente necessitate ut ita fieri oportet certamina quæ tenemus : quia si voluissetis, tranquillam et quietam vitam ageretis cum filiis vestris, non minus quam <sup>c</sup> pater vester, et avus. Adsit omnipotens et misericors Deus, qui habitator est pectoris vestri, adsit etiam patientia vestra, qua ceteros homines præcellitis, ut hæc quæ suggero tranquille audire et perpendere dignemini.

IV. In illo tempore, quando filium vestrum <sup>d</sup> participem nominis vestri facere curastis, ita in publicum vestrum interrogando hoc inchoastis, dicen-

NOTÆ.

sui socium sibi constituit. <sup>e</sup> Sed fusius ista prosequitur auctor Chronicus Moissiacensis, qui fidem etiam astruit rebus quas hic enarrat Agobardus. <sup>c</sup> An. 817 Ludovicus imperator, inquit, apud Aquis palatum celebravit Pascha. Et in ipsa festate jussit esse ibi conventum populi de omni regno vel imperio suo, apud Aquis sedem regiam, id est, episcopos, abbates, sive comites et maiores natu Francorum. Et manifestavat eis mysterium consilii sui quod cogitaverat, ut constitueret unum de filiis suis imperatorem. Habebat enim tres filios ex uxore Ermengarda regina. Nomen uni Clotarius, nomen secundi Pippinus, et nomen tertii Ludovicus. Tunc omni populo placuit ut ipse, se vivente, constitueret unum ex filiis suis imperare, sicut Carolus pater ejus fecerat ipsum. Tunc tribus diebus jejunatum est ab omni populo.

**tes** : Quod ad stabilitatem regni pertinet, et ad A et firmando; ac deinde <sup>d</sup> jurare omnes jussisti ut robur regiminis, debet homo differre, an non ? Cumque omnes respondissent quod utile et necessarium est, non esse differendum, sed potius accelerandum ; statim vos, quod cum paucissimis tractaveratis, omnibus aperuistis; et dixistis vos velle propter fragilitatem vite, cui incerta est mors, ut dum valeretis, nomen imperatoris uni ex tribus filiis vestris imponeretis, in quo voluntatem Dei quoquomodo cognoscere potuissetis. Propter quam cognoscendam injunxitis ut facerent omnes jejuniū triduanum, offerrent sacerdotes sacrificia omnipotenti Deo, qui suavis et misericordiae est omnibus invocantibus se; fieret quoque ab omnibus eleemosyna per illud triduum solito largior, ut omnipotens Deus, qui summa benignitate regit corda in se sperantium, infunderet in corde vestro voluntatem suam, et non sineret super alium inclinari voluntatem vestram, nisi super eum qui sibi placuisset. Itaque perfecisti omnia quae in tali re facienda erant, tali fide et spe, ut hoc a Deo vobis infusum et inspiratum nemo dubitaret. Cæteris filiis vestris <sup>a</sup> designasti partes regni vestri ; sed ut unum regnum esset, non tria, præstulisti eum illis quem participem nominis vestri fecisti; ac deinde gesta scribere mandasti, scripta signare, et robore, et consortem nominis vestri factum, <sup>c</sup> Romam misisti a summo pontifice gesta vestra probanda

## BALUZII NOTÆ.

ac litanie facte. Post hoc jam dictus imperator Clotarius, qui erat major natu, imperatorem elegit, ac per coronam auream tradidit ei imperium, populis acclamantibus, et dicentibus, *Vivat imperator Clotarius.* Facta est autem laetitia magna in populo die illo. Et ipse imperator benedixit Dominum, dicens : Benedictus es Dominus Deus noster, qui dedisti hodie ex semine meo consendentem in solo meo, videntibus oculis meis. <sup>b</sup> Actum id. IIII Kal. Augusti sribuit auctor ineditus Annalium Anianensem.

<sup>a</sup> Designasti partes regni. Pippino videlicet Aquitanum, Ludovico Bajoiam.

<sup>b</sup> Ut unum regnum esset, non tria. Aliter tamen dein evenit. Nam triplex ex uno Francorum regnum factum est, post Ludovici mortem, ut dictum est ad epistolam Lupi Ferrariensis.

<sup>c</sup> Romam misisti. Ne quis existimet id factum fuisse statim post conveniunt Aquisgranensem, neque ideo missum Lotharium ut coronam imperii a pontifice Romano acciperet, ac si tum necessaria novo imperatori fuisset approbatio summi pontificis, afferam verba Eginhardi, viri in aula educati, et negotiorum publicorum gnari, majestatisque iurium callentissimi ac temperantissimi scriptoris. Postquam ergo dixit Lotharium a patre in Italiam missum fuisse an. 822, ut rem publicam illic administraret, hec deinde ait ad annum 823 : *L*otharius vero cum secundum patris jussionem in Italia justitias faceret, et jam se ad revertendum de Italia properaret, rogante Paschale papa Romam venit; et honorifice ab illo susceptus, in sancto Paschali die apud sanctum Petrum regni coronam et imperatoris et Augusti nomine accepit. Inde Papiam regressus, mense Junio ad imperatorem venit. <sup>d</sup> Idipsum scribit etiam auctor *Vite Ludovici Pii*, itemque alii.

<sup>d</sup> Jurare omnes jussisti. Ex isto præcipue loco evincere conatur R. P. Theophilus Raynaudus Agobardum debere eximi a culpa, tametsi rebellionem Lotharii soverit adversus patrem. <sup>e</sup> Nullo modo fe-

renda est, inquit, procacitas et petulantia recentiorum, qui metientes de suo ingenio cæteros, Agobardum tanquam factiosum et sediciosum traduerant, iisque eum floribus conspergunt, ut, si illos audimus, maligna omnino ac pessima voluntate versatus sit in negotio proposito; contra quam aperte habetur ex ipsiusmet Agobardi epistola ad Ludovicum imperatorem; ex qua manifeste liquet Agobarum, metu potius violandi numinis et tenerandi juramenti auctore ipso Ludovicō præstigi filio, quam malo erga Ludovicum affectu, aliquid molitum. <sup>f</sup> Quasi vero non constet neminem se reum fateri, et quicunque rebellionem copliant aut sovent, justis se de causis facere non profiteantur. Denique si deest pretextus boni publici, obtenditur infractio pactionum, violatio jurisjurandi, aut aliquid simile. Quod si illa Theophilus Raynaudi argumentatio valeret, facile ostenderem extra culpam esse episcopos omnes qui exaucrationem Ludovici peregerent. Quid enim in speciem sanctius, quid religiosus, quid episcopali gravitate dignius, quam Acta impie illius ac nefandæ exaucrationis? Et tamen posteritas istos culpavit, neque quisquam haec tenus infamem illam principis optimi dejectionem excusare aggressus est, corum nimurum qui post illos vixerent. Nam vel unus Agobardus exemplo erit, non destitutas fuisse Lotharii partes viris cruditis, qui manu linguaque rebellionem soverent. Ego veneror Agobardum ex animo; sed hominem fuisse credo : et quæ perperam egit, ea neque probo, neque excusare conor.

<sup>f</sup> Amborum imperatorum nomina. Earum litterarum hoc initium erat : *Hludouicus et Hlotharius divina ordinante providentia imperatores Augusti.*

<sup>g</sup> Nomen omissum est. Accedit haud dubie contumelia illa animum Lotharii. Cur enim se consortem imperii fecisset pater, si postea nonen suum in consortio paterni, quod per multis annos usurpatum fuerat, nollet admitti.

Domine, rogavimus et deprecati sumus faciem respectus tui suppliciter, ut tua illuminatione et gubernatione eligeremus participem imperii: sed quia tecum bene non fecimus, sine te melius consilium invenimus. Absit, absit. Avertat Deus a vobis inspirationem Dei repudietis, et voluntatem nominum carnalia tantum sapientium statuatis, ut in errorem inducamini, et deducamini. Obscero clementiam vestram, ut secundum a Deo vobis collatam prudentiam perpendatis quomodo heatus Jacobus Apostolus reprehendat eos qui propriis animorum motibus proponunt aliqua se facturos sine prospectu divina permissionis, dicens: *Ecce nunc qui dicitis: Hodie aut cras ibimus in illam ciritatem, et faciemus quidem ibi annum, et mercabimur, et lucrum faciemus: qui ignoratis quid erit in crastinum. Quae enim est vita vestra? Vapor est ad modicum parens, deinceps exterminabitur. Pro eo ut dicatis: Si Dominus voluerit, et, Si viscerimus, faciemus hoc, aut illud.* Et cavete ab hominibus qui sequuntur spiritum suum, quia non omnium est si les.

VI. Cognovit Dominus qui sunt ejus; et quicunque ejus sumus, quantulacunque veritatis luce fruimur, et veritate illuminante sinceriter vos amamus, fideliter vestram sempiternam felicitatem exoptamus; et idcirco tanta mala, tanta scelera

A isto anno ex hac occasione perpetrata dolemus, et timemus valde ne in vos furor Dei concitetur. Recordamur namque ardentissimæ religionis vestræ, quam cognovimus semper in assiduitate orationum, in psalmis et hymnis et canticis spiritualibus cantantem et psallentem Deo in corde puro, in contritione cordis, in compunctione placidæ mentis, in sollicitudine misericordiarum et omnium bonorum strenuitate. Et ideo, ut dictum est, timendum nobis videtur, ne tepescat, ne frigescat, optandum vero ut servescat et augeatur perseverando usque in finem, ut salus sempiterna sequatur.

VII. Et quia superius de legitimo et opportuno juramento mentio facta est, videtur mihi non celandum excellentiæ vestræ, quod multa murmuratio est nunc inter homines propter contraria et diversa juramenta, et non sola murmuratio, sed et tristitia, et detractio adversum vos: quod mihi usquequaque disollet: quorum murmuratio ad illud pertinere eis videtur quod beatus Hieronymus in expositione Jeremie dicit in illo loco ubi propheta ait: *Et jurabis: vivit Dominus, in veritate et in iudicio et justitia.* Ait ergo prædictus doctor: *C Simulque animadvertisendum, quod jusjurandum hos habeat comites, veritatem, judicium, atque justitiam. Si ista defuerint; nequaquam erit juramentum, sed perjurium.*

#### • DE COMPARATIONE REGIMINIS ECCLESIASTICI ET POLITICI

*Et in quibus Ecclesiæ dignitas præfulgeat imperiorum majestati.*

I. Domno clementissimo et Christianissimo ac per hoc omni laude dignissimo imperatori Ludovico Agobardus.

Jubet vestra prudentissima solertia contra motiones hujus temporis paratum esse utrumque ordinem, militarem videlicet, et ecclesiasticum; illi est, et eos qui sæculari militiæ, et illos qui sacris ministeriis inserviunt; et illos quidem ad certandum ferro, istos autem ad disceptandum verbo; ut similis similibus obsistere valeant. In qua re summopere sciendum est, quod in congressione armorum plus exspectanda est justitia superni regiminis, quam ro-

BALUZII

\* Liber iste in aliis editionibus, præter istam Agobardi ad Ludovicum imperatorem epistolam, completebatur etiam epistolam Gregorii IV ad episcopos regni Francorum, et Librum apologeticum pro filio eiusdem Ludovici. Verum et res ipsa et vetusti codicis auctoritas suaserunt ut hæc tria distingueremus. Nam certum est epistolam ad Ludovicum scriptam terminari in his verbis, *Hujus rei nisus merita vestra appropinquare faciat apostolicis meritis.* Tum sequi debuit, sed non in eodem libro, epistola seu erius fragmentum epistolæ Gregorii IV ad episcopos partis Ludovici: quæ vel ob hoc ipsum in eodem fasciculo alligari non debuit, quod nulla illius mentio extet in epistola ad Ludovicum. Liber demum apologeticus procul dubio ab utraque epistola disjungi debuit. Nam nihil aliud est quam liber in publicum emissus, ac per omnes ubique provincias, ut patet, vulgatus, ad probandum justas fuisse causas quibus

bur brachiorum; in altercatione autem sermonum plus exspectanda est veritas, quam copia verborum. Propter quod orandum est ab omnibus tota intentione mentis, ut ille de quo vos dicitis, *Dominus illuminatio mea et salus mea,* quia illuminatio vestra est, illustreret faciem suam super vos; et quia salus vestra est, salvum vos faciat in sua misericordia, ut huic orationi congruenter vos subjungatis: *Domine non confundar, quoniam invocavi te.*

II. Ego igitur servulus vester, cum cognovissem ex vestro sacro præcepto jussum mihi esse ad vestram præsentiam properare ita paratum, ut cum NOTÆ.

D moti Lotharius fratresque ejus arma adversus patrem moverunt: illi quod nos hodie Gallica lingua vocaremus un manifeste. Et, quod jugulum petit, tres ille lucubrationes disjuncte ac divisæ sunt in codice regio; incipiuntque omnes a maiuscula littera, ut solet initia librorum. Verum quia posteriores Agobardi lucubrationes nullum titulum habent in veteri codice, amanniensis, ad cuius fidem prodit editio Massonica, putavit hæc conjungi debere. Cæterum, istius quoque libelli titulus nullus erat in veteri codice. Itaque retinuimus eum quem Massonus fecit, non aliam tamen ob causam, quam quia jam obtinuit ut eo titulo laudetur ab eruditis.

\* *Commotiones hujus temporis,* id est bella et dissensiones quæ in regno Francorum erant anno 853 ob divisionem Ludovici filiorum que ejus, ceu antea diximus.